

四庫全書

史部

欽定四庫全書

欽定國子監志卷二十六

監制

臣等謹案成周四學並設制度恭備兩漢太學之外又有辟雍講堂順帝修葺黌宇規模益廓晉武帝咸康二年始立國子學至隋改為國子監監署之名實昉於茲唐以國子監統六學太宗增創學舍一千二百楹至德以

還寢以頽廢宋初國子監止二百楹神宗以
錫慶院改建太學而後齋舍直廬規模粗具
尋復行三舍法置八十齋蓋王者建國君民
莫不以建學為先也自有元都燕始于南城
立學逮世祖至元二十四年而國子監始遷
今地前明永樂徙都燕仍元舊三傳至英宗
始營建焉洪惟

世祖章皇帝建極宅京宏宣文治膠雍之制監二代而

彌隆又

命創設八旗官學為俊秀儲材之地嗣是

聖祖仁皇帝特賜御書彝倫堂額

世宗憲皇帝復頒御書文行忠信扁額又

特賜官宅為學舍

皇上迪

光纘

緒復

命大修監署鳩材庀工發帑鉅萬俾海內髦彥觀光
堂廡蹈詠於論於樂之盛侯其禕矣謹志圖說
一卷建葺一卷各以元明舊制附載其末為監

制門

監制一


圖說


國

子

監

圖





國子監在都城東北隅崇仁里成賢街南向繚
以周垣大門凡三中榜曰集賢門左右樹坊各
一榜曰國子監坊左右又樹坊各一曰成賢街
西第二坊在先師廟西前屏以垣自集賢門入為太學門
門凡三中榜曰太學中門常時皆不啟
車駕詣學乃啟之自太學門入為

新建辟雍

乾隆四十八年
詔建

殿通方九室重簷周廊覆

琉璃黃瓦楹柱門扉皆丹飾樑棟施五采殿前

恭懸

御書辟雍額殿中恭懸

御書額一曰雅涵於樂

御製聯一曰金元明宅於茲天邑萬年今大備虞夏

殷闕有間周京四學古堪循方臺外園以壁池前
後左右平橋四座池內外甃白石欄地高乏水
則引以四井前二井在太學門外其二井一在
池東率性堂後簷牆外一在池西修道堂後簷

牆外俱砌暗溝汲水注入池中前樹琉璃牌樓一座中設券門三南向恭勒

御書園橋教澤坊額北向恭勒

御書學海節觀坊額牌樓東北西北角各建碑亭一

座恭勒

御製國學新建辟雍園水工成碑記

御製三老五更說

恭載卷五
御製文門

牌樓東南西南角各

建鐘鼓樓一座

辟雍殿後為彝倫堂堂七楹中壁恭勒

聖祖仁皇帝御書聖經堂中恭懸

聖祖仁皇帝御書彝倫堂額

康熙四十五年

頤獨

世祖憲皇帝御書文行忠信匾額額首

御製題辭曰學者文行並重尤以忠信為本故孔子垂

為四教成均進士之法無踰於此

賜國子監

雍正四年

頤給

列聖勅諭三道

皇上勅諭一道

乾隆三年

頒給

皇上御書福疇攸叙匾額

乾隆五十年新建辟雍工成

頒揭堂前

有露臺

西置日畧

堂北有後堂三楹有門通敬一亭

堂左右東西講堂各三楹南向旁各一門通敬

一亭西講堂前有元臣許衡手植古槐一株乾

隆十六年

皇太后七旬萬壽古槐重榮

御製詩六韻紀之

恭戴卷六御製詩四

東講堂之東轉而南

廊房三楹屬于東廡西亦如之東廡近北為繩
愆廳廳三楹監丞蒞之典簿典籍亦于此治事
其南鼓房一間度鼓次為率性誠心崇志三堂
其助教學正學錄蒞之堂各十一楹西向西廡
近北為博士廳亦三楹與繩愆廳相直其南鐘
房一間度鐘次為修道正誼廣業三堂其助教
學正學錄蒞之堂各十一楹東向東西廡之盡
折而南東西隅廊房各九楹北向與太學門並

後堂之北為敬一亭亭五楹奉

聖祖仁皇帝御碑五通碑後附置明碑前有門曰敬一之門旁啟小門各一東為東廂祭酒于此治事

前為大門中廳三楹祭酒孫岳頒題額曰進德

修業東西房各一楹後軒五楹俱南向軒前廂

房各二楹東曰崇實軒西曰振雅軒

俱祭酒李周望重建

周望作記勒壁

大門外西向屋五楹為書吏辦事所左

折而南有門通儲材門亭西為西廂司業于此

治事大門中廳及廳左右房如東廂之制廳前
東西各廂房二楹廳後軒五楹南向無廂房大
門外東向屋五楹亦書吏辦事所右折而南有
門通廣居門署西為射圃隙地平敞周垣繞之
亭三楹南向八旗諸生以時較射於此署東毗
連屋宇二百餘楹書吏隸役廟戶居之統屬于

監

謹案監署左右前後有號舍環之延袤共五百
餘楹久為民居乾隆三十四年工部議侍郎黃

管監務臣德保所奏監東屋宇二百一楹出入
必由署門不通衢路請以居本監吏隸廟戶其
監西屋宇三百八楹向本有門逕通衢路者築
垣隔出署外付內務府經理並繪圖造冊一存
工部一存國子監其餘閒曠屋宇俱相度情形
準此辦理


詔從之


御

書

樓

圖





御書樓在解舍東北南向五楹東西廂樓各五楹
貯

欽頒經史書籍前為二門門西小屋數椽前為大門


欽


賜

學

舍

圖





欽賜學舍在成賢街南方家衡衡一百四十餘楹亦稱

南學雍正九年

恩賞門南向額曰

欽賜學舍門西耳房一楹東六楹北為率性堂堂三楹

南向中壁勒乾隆五年

御製訓飭士子文東西序各三楹耳房各一楹號舍

東五楹西四楹皆東西向堂南有門在大門稍

東不相直門東西耳房各一楹其南即大門堂

北曰東宅祭酒公所也堂三楹堂東西房各二楹俱南向東西序各三楹耳房各一楹堂後軒五楹東西房各二楹亦南向東序三楹西序四楹堂前有垂花門通率性堂祭酒公所西曰西宅與東宅毗連而不相通司業公所也堂三楹堂後軒三楹並南向前有垂花門出門折而西有複道直貫學舍之南北率性廣業二堂祭酒司業公所在道東誠心正誼崇志堂並在道西

祭酒司業公所之北為廣業堂門一楹在複道
東西向堂三楹堂東西房各四楹俱南向東號
舍七楹西五楹入大門折而西為修道堂之門
轉而北堂三楹南向東西序各三楹堂南號舍
六楹庭有古井庭西北隅有門北向門外即複道西
南隅有門西向門內北向號舍七楹東向號舍
三楹修道堂號舍之北有垂花門入門為誠心
堂堂三楹南向東西序各三楹耳房各一楹東

序之南別啟一門東向以屬於複道正誼堂在
誠心堂北自複道入門一楹東向堂五楹南向
東序二楹西序四楹堂後號舍東西各七楹正
誼堂北為崇志堂亦自複道入門一楹東向堂
三楹南向堂東號舍六楹西九楹堂後號舍五
楹其西耳房二楹凡各堂正屋助教學正學錄
居之東西序及號舍肄業諸生居之直北隙地
一區東西廣二十餘丈南北長三丈許又北為

後總門門側房一楹門者處之周繚以垣門與
公廡周垣相對

鑲

黃


旗


官

學

圖









鑲黃旗官學在安定門內崇教坊大門南向門
旁屋一楹入門西折而北為儀門門左右屋各
三楹又北堂五楹南向堂之前東西序各三楹
耳房各二楹堂之後正軒九楹


正黃旗官學圖






正黃旗官學在西直門內鳴玉坊大門三楹南向門左右各屋二楹北為儀門門左右各屋三楹又北堂五楹堂後有門門內後堂五楹後堂之前東西序各三楹耳房各一楹後堂之北有講室左右各五楹屬於兩序

正
白
旗
官
學
圖





正白旗官學在思誠坊大門北向門東屋三楹
西四楹南為堂堂五楹堂東西講室各一楹又
南後堂五楹後堂之北東廂三楹後堂南左右
耳房共五楹又講室三楹在後堂之西牆外

正


紅


旗

官

學

圖





正紅旗官學在阜城門內日忠坊大門南向門
旁屋九楹北為儀門門左右屋各三楹又北堂
三楹東西廂各三楹東廂之北南向屋二楹西
廂之北東向屋四楹堂北講室八楹又北為複
道道左屋再重各三楹道右屋三楹

鑲


白


旗

官

學

圖





鑲白旗官學在明時坊大門三楹南向右屋七楹北堂五楹堂北室三重各五楹又北屋八楹

鑲


紅


旗

官

學

圖





鑲紅旗官學在宣武門內阜財坊大門南向門
左右屋共十三楹北為儀門又北堂五楹東西
序各三楹北屋二楹堂西屋三楹堂東屋再重
南向二楹北向一楹又南為講室三楹西牆外
羣舍十三楹

正


藍


旗

官

學

圖





正藍旗官學在黃華坊大門南向門西屋八楹
北為儀門門外左右廂各一楹又北堂五楹東
西序各三楹堂之旁各有講室三楹東西相向
堂後樓五楹左右各翼以樓並二楹皆南向

鑲


藍


旗

官

學

圖





鑲藍旗官學在甘石橋大門西向學堂南向入
大門南折至儀門門左右屋共七楹其北堂三
楹西廂三楹東向堂之左屋再重各三楹其南
有西向屋三楹又南有北向屋二楹堂北講室
九楹

圖說附

元

國子學在先聖廟西地遜於廟者十之二中為
國子監東西六館自堂徂門環列鱗比通教養
之區為百六十有七

程鉅夫
雪樓集

國學中之堂為監前以公聚後以燕處旁有東
西夾夾之東西各一堂以居博士東堂之東西
堂之西有室東室之東西室之西有庫庫之前

為六館東西向以居弟子員一館七室助教居中以涖之館南而東而西為兩塾以屬於門屋

四周通百間

元吳澄文正公集

謹案元太祖平燕京從王穢之請設國子學于金樞密院故署至元二十四年乃遷今地迄武宗至大元年監署始成其堂宇制度略具於此

至順三年富珠哩先生兼國子祭酒國子監有隙地在居賢坊大德中有司議以建學餘力築屋以舍師儒不果明年五月筮日籌工除地坊

北畫為四區區各立屋五間中三間為居室旁
兩間為肅官具饗之所宅之門以東西門之街
以南北街北距通衢立大門街南羨壤可藝蔬
東浚井西置屋以居隸者使掌大門之管

元陳旅安

雅堂集

謹案是時兼祭酒者富珠哩神也

監學櫝藏經書宜得重屋以庋乃于監學之北
構架書閣閣四阿檐三重度以工師之引其崇

四常有一尺南北之深六尋有奇東西之廣倍

差其深延祐四年夏經始六年冬績成

元吳澄
文正公

集

仁宗延祐二年用趙孟頫元明善議定陞齋等

第六齋東西相向下兩齋左曰游藝右曰依仁

凡誦書講說屬對者隸焉中兩齋左曰據德右

曰志道講說四書課肄詩律者隸焉上兩齋左

曰時習右曰日新講說易書詩春秋科習明經

義程文者隸焉

元史選舉志

明

國子監在城東北正堂七間曰彝倫堂元之崇文閣也中一間車駕幸學設座於此上懸勅諭五通東一間祭酒公座面南司業面西堂前為露臺臺南中為甬路前至太學門長四十三丈車駕臨幸由之東西為墀諸生列班于此後堂三間東講堂三間西講堂三間藥房三間折而

東為繩愆廳三間鼓房一間率性堂誠心堂崇志堂各十一間西為博士廳三間鐘房一間修道堂正誼堂廣業堂率如率性堂六堂乃諸生肄業之所東折而南為廊房九間門一間西亦如之太學門三間外東井亭一又東為持敬門以入廟自東少北為儲才門以通啟聖祠土地祠及典簿典籍掌饌廳倉庫之路祭酒東廂亦由此入西井亭一又西為退省號門自西少北

為廣居門以為司業入廂諸生入號之路墀內
雜植槐柏共二十株前為集賢門三間門前為
通衢東西牌坊各一題曰國子監衢牌坊各一
題曰成賢街彝倫堂後齋明所九間格致誠正
號每號計三十七間嘉靖七年即其地改作敬
一亭前為大門題曰敬一之門祭酒廂房在敬
一亭東司業廂房在敬一亭西會饌堂一所在
監東北典籍廳五間在饌堂門左典籍廳三間

掌饌廳三間退省號及廣居門之西為天地人
智仁勇文行忠信規矩準繩紀綱法度凡一十
八號并退省房三連溥廁各一所

春明夢
餘錄

欽定國子監志卷二十六

欽定四庫全書

欽定國子監志卷二十七

監制二

建葺

順治元年我

世祖章皇帝定鼎燕京

命飭新國子監擴元明之舊左

廟右署規制大備時祭酒李若琳疏言滿洲官員

子弟咸肄業成均而臣衙門在城東北隅諸弟子往返晷短途紆易妨講習請于滿洲居處之地各擇空宇一區立為書院以國學二廳六堂學官分教八旗子弟滿洲十六人蒙古八人仍設學長四人均就書院萃處朝夕訓迪月之六日師生入監考課以示勸懲下部集議順治二年得

旨允行祭酒薛所蘊又請凡滿洲子弟就學者分四所

以京省生員十人充伴讀十日一赴監考課春秋演射各就本處習練俾文武兼資以儲實用

詔從之

順治十一年

命修國子監廨署

謹案時工部定議委官修葺國子監署動支監中積貯銀不數由部增給嗣後如有損壞國子監自支額設錢糧量行修葺

詔從之

康熙十八年

命修

先師廟

啟聖祠至二十二年落成復

命國子監廨宇次第繕葺

康熙四十一年

聖祖仁皇帝蕩平朔漠遣官告成發帑大修

聖廟並繕葺監署以和碩理親王董其事

雍正元年

命修國子監講堂學舍修葺事宜均禮部會同工部經

理

計共支帑金九千兩有奇

雍正五年

允監臣孫嘉淦奏

命八旗每旗別給官房一所各寬二十餘楹可容百人
誦習者以為學舍仍飭本旗修葺完固其嚮為
官學之屋宇各令交還本旗

謹案時以八旗就學者衆嚮
時官學屋隘不能容故也

雍正六年俄羅斯國遣陪臣子弟魯喀佛多德
宜畹喀喇西木等覲光國學

特命即舊會同館設俄羅斯館教之

雍正九年工部左侍郎兼理監事鄂爾奇祭酒
孫嘉淦疏奏直省拔貢必須在監居住者三百
餘人六堂難于棲止查國子監門外方家衚衕
官房一所舊有二百餘間今只存一百四十二
間與國子監相去數武懇

恩賞給國子監衙門

臣

等于每年公費銀兩內動支修

葺令拔貢及助教等就近肄業

詔從之

乾隆二年國子監奏請修葺彝倫堂及兩序

詔工部委官經理

計支帑金四千八百兩制錢三千貫有奇

乾隆二十四年國子監奏請修葺

特命莊親王及內務府大臣督修廨署

御書樓輝煌鞏固視舊有加

計支帑金二萬九千五百三十三兩有奇

乾隆四十八年春二月丁亥

上親詣國子監釋奠

先師禮成

特命尚書德保劉墉金簡侍郎德成等仿照禮經于

太學門內彝倫堂前興建

辟雍監臣又奏請將彝倫堂及六堂東西廂一律

修葺得

旨允行四十九年冬

辟雍新工告成隆規炳燦學制大備誠千古希逢

盛典

計支帑金
三萬有奇

謹案凡大修國子監廡署由監料估凡物之直銀二百兩以上工之直錢五十貫以上照例奏明交工部校辦奇零工程隨時咨部繕治歲修南學本監派員經理于

恩賞銀內支銷修理八旗官學本旗滿洲蒙古漢軍各都統會估派員經理于本旗房租銀內支銷
辟雍工程
特簡派大臣發帑興建

建葺附

元

至元二十四年遷都北城立國子學于國城之

東

元史選
舉志

謹案志稱太祖平燕京宣撫王楫請以金樞密院為宣聖廟所謂南城國子學是也又謂太宗六年嘗設國子總教及提舉官太宗紀五年八年並修孔子廟而宋濂文集則謂太宗五年權用燕京真定厯日銀建國子學聖廟兩廡及肄業之舍與史小異總之是時國子學尚在南城與今異所世祖紀書中統三年修宣聖廟成後書至元六年立國子學又書八年設國子學紀載重疊自相抵牾悟要皆言南城廟學也惟世祖紀二十四年閏二月設國子監與選舉志合實今監署之權與故首列之又案元程鉅夫聖廟碑至元四年畫地為廟學基二十四年備置監

學宮是二十四年以前于金之國
于監規畫之而已無所興建也

大德十年正月營國子監于文宣王廟西偏

元史

成宗
紀

謹案吳澄賈馴修廟學頌云至元二十四年設
國子監大德十年設官教國子已二十年矣寄
寓官舍不正其名丞相哈喇哈斯以為未稱興
宗文教之實也乃營國學于廟之西命工部郎
中賈馴董其役又案吳澄崇文閣碑云監學之
建哈喇哈斯贊成之實由御史臺建白此大德
中營國子監
之顛末也

至大元年五月丁卯御史臺臣言成宗朝建國

子學迄今未成皇太子請畢其功制可

元史成宗紀

謹案程鉅夫國學先聖廟碑云至元四年作都城畫地宮城之東為廟學基二十四年備置監學宮元貞元年詔立先聖廟久未集大德三年丞相哈喇哈遊達爾罕飭工部郎中賈馴任之十年秋廟成謀樹國子學御史臺臣復以為請制可至大元年冬學成則是時之施功實先廟後學矣

皇慶二年六月建宗文閣于國子監

元史仁宗紀

謹案吳澄崇文閣碑云成宗時御史臺言胄子之教寄寓官舍隘陋非宜奏請于孔廟之西營建國子監學以御史府所貯公帑充其費逮至仁宗文治日隆僉謂監學積藏經書宜得重屋

以度有旨復令臺臣辦集其事乃于監學之北
構架書閣延祐四年夏經始六年冬績成材木
瓦甃諸物之直工役飲食之費皆出御史府則
爾時建閣實以藏書今之彝倫堂即閣故址也

南陽富珠哩先生兼國子祭酒以中統褚泉二

萬餘緡于監之隙地築屋以舍師儒

陳旅安雅
堂集富珠

哩名冊
見前卷

謹案元制國子監國子學之外復有蒙古國子
監國子學回回國子監國子學考元史至元八
年立蒙古國子學至元十四年立蒙古國子監
至元二十六年置回回國子學延祐元年復立
回回國子監七年罷之史既詳載設學立
監則非統于國學可知謹附識以備考

明

永樂元年春二月設行部國子監

明史成祖紀

謹案明太祖洪武元年克燕都改元國子監為北平府學成祖由北平起兵欲定都于此升為北京復命設之至十八年遷都以京師國子監為南京國子監今所設為北京國子監

正統九年春二月新建太學成

明史英宗前紀

謹案先是太學因元之陋吏部主事李賢上言國朝建都北京佛寺時復修建太學日就廢弛何以示法天下請以佛寺之費修舉太學從之至是落成有御製重建太學碑文

景泰中御史程璫請于東長安街改創國子監

不允

國史
唯疑

宏治十四年祭酒謝鐸疏請修國子監從之

明太

學志

嘉靖十一年祭酒林文俊疏請修國子監從之

同上

